



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CIV. Confrmatio dispositionis Testamenti Joannis Pyzzulli de Regina
Bisinianensis Diœcesis, nec non Motus proprii Urbani PP. VIII. pro Collegio
Fratrum studentium S. Francisci de Paula in Urbe.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Cives supranominatos affectu, consulere volentes, ac eorumdem supranominatorum singulares personas à quibusvis excommunicationis, suspensionis & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis si quibus quomodolibet innodata existunt ad effectum præsentium dumtaxat consequen. harum serie absolventes, & absolutas fore censentes.

Confirmat aggregationem, ut in Rub.

§. 2. Motu proprio non ad prædictorum, aut cujusvis alterius pro eis Nobis super hoc oblata petitionis instantiam, sed ex certa scientia, & matura deliberatione nostris, deque Apostolicæ potestatis plenitudine aggregationem supra expressorum, & nominatorum respectivè ad Magistratus Priorum, & Regulatorum dictæ Civitatis Firmanæ à memorato Flavio Cardinale sicut præmittitur, factam, cum eorumdem imbusolatione, & Regionum assignatione hujusmodi, aliisque inde quomodolibet secutis, & secuturis, tenore præsentium confirmamus, & approbamus, illisque inviolabilis Apostolicæ firmitatis robor, & efficaciam adjicimus, ac omnes & singulos juris & facti, necnon solemnitatum quarumcumque tam ex Juris communis, & Constitutionum Apostolicarum, ac dictæ Civitatis, aliorumque quorumvis Statutorum, etiam juramento, confirmatione Apostolica, vel quavis firmitate alia roboratorum, Stylorum, Usuum, & consuetudinum etiam immemorabilem præscripto, quàm alias quomodocumque, & qualitercumque in similibus etiam de necessitate observandarum, & alios quoslibet quantumvis magnos, ac formales, & substantiales defectus, si qui in præmissis, vel eorum aliquo principali vel accessoriè, aut alias quovis modo intervenierint, seu intervenisse dici, censi, prætendi, vel intelligi unquam possent, plenissimè supplemus, & sanamus, ac penitus, & omninò tollimus, & abolemus.

§. 3. Præterea eosdem supranominatos, sicut præmittitur, aggregatos denudò, quatenus opus sit memoratæ Civitatis Firmanæ Priores, & Regulares cum assignatione prædictarum Regionum respectivè, motu, scientia, deliberatione, & potestatis similitudine, paribus, creamus, facimus, constituimus, & deputamus, eosdemque cæterorum ejusdem Civitatis Priorum, & Regulatorum numero, & consortio respectivè favorabiliter aggregamus, & adscribimus; Mandantes propterea in virtute sanctæ obedientiæ, ac sub indignationis nostræ, aliisque arbitrii nostri pœnis omnibus & singulis ad quos quovis modo spectat, in futurum quodcumque spectabit, quatenus supranominatos Priorum, & Regulatorum, Magistratibus hujusmodi sicut præmittitur aggregatos eorumque Successores aggregationis, adscriptionis, imbusolationis, & Regionum assignationis hujusmodi effectu, præsentiumque litterarum commodo pacificè frui sinant & faciant, eosque respectivè recognoscant, ac aliis faveant, pareant, & assistant.

Decretum irritans.

§. 4. Ac decernentes easdem præsentibus litteras, & in eis contenta quæcumque etiam, quod prædicti & alii quicumque cujusvis status, gradus, ordinis, præminentiæ, & dignitatis, seu alia speciali nota & expressione digni existant, illis non consenserint, aut ad ea vocati, citati & auditi, seu causæ propter quas præsentibus emanarunt, adductæ, verificatæ, & justificatæ non fuerint, sive ex alia quacumque quantumvis justa, legitima, juridica, & privilegiata causa, colore, prætextu, & capite etiam in corpore juris clauso, etiam enormis, enormissimæ, & totalis læsionis, nullo unquam tempore de subreptionis vel obreptionis aut nullitatis vitio, seu intentionis nostræ interesse habentium consensu, aliove quomodolibet, quantumvis magno & substantiali ac inexcogitato, & inexcogitabili defectu notari, impu-

gnari, redargui, infringi, retractari, ac in controversiam revocari, aut ad terminos juris reduci, seu adversus illas aperitionis oris, restitutionis in integrum, aliudve quodcumque juris, facti, vel gratiæ remedium impetrari, aut impetrato, vel etiam Motu, scientia & potestatis plenitudine similibus concessio quempiam in iudicio, vel extrà illud uti seu se juvare posse, sed easdem præsentibus litteras semper firmas, validas, & efficaces existere, & fore, ac supranominatis, eorumque Successoribus plenissimè suffragari, & ab illis quos spectat, & pro tempore spectabit inviolabiliter, & inconcussè observari; Sicque & non aliter in præmissis omnibus & in singulis censi, atque ita per quoscumque Judices ordinarios, & Delegatos, etiam causarum Palatii Apostolici Auditores, & S. R. E. Cardinales etiam de Latere Legatos, alios quoslibet quavis auctoritate & potestate fungentes quodcumque functionarios, eis, & eorum cuilibet quavis aliter judicandi & interpretandi facultate, & auctoritate judicari & definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 5. Non obstantibus præmissis, ac quatenus opus sit nostra, & Cancellariæ Apostolicæ regula de non tollendo jure quæsito, aliisque Constitutionibus, & Ordinationibus Apostolicis, nec non dictæ Civitatis, & aliis quibusvis etiam juramento, confirmatione Apostolica, vel quavis firmitate alia roboratis Statutis & consuetudinibus, stylis, usibus, etiam immemorabilibus, privilegiis quoque, indultis, & litteris Apostolicis eidem Civitati, ejusque Communitati & Hominibus, ac Prioribus ac Regulatoribus, aliisve quibuslibet sub quibusvis verborum tenoribus & formis, ac quibuscumque etiam derogatoriis derogatoriis, aliisque efficacioribus, efficacissimis & insolitis clausulis, irritantibusque, & aliis decretis in genere, vel in specie etiam motu simili, ac Constitutorialiter, & alias quomodolibet concessis, confirmatis, & pluries ingovatis. Quibus omnibus & singulis etiam pro sufficienti eorum derogatione de illis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio, seu quævis alia exquisita forma ad hoc servanda foret, illius tenores, formas & occasiones præsentibus pro plenè, & sufficienter insertis, servatis & expressis respectivè habentes, illis alias in suo robore permanfuris ad præmissorum effectu, hac vice dumtaxat specialiter & expressè derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris, die 5. Novemb. 1660. Pontificatus Nostri Anno sexto. Dat. P. An. die 5. Nov.

Confirmatio dispositionis Testamenti Joannis Pizzulli de Regina Bisinianensis Diœcesis, nec non Motus proprii Urbani PP. VIII. pro Collegio Fratrum studentium S. Francisci de Paula in Urbe. CIV.

ALEXANDER PAPA VII.

Ad futuram rei memoriam.

EXponi nobis nuper fecerunt dilecti Filii Rector, & Fratres Collegii Sancti Francisci de Paula de Urbe Ordinis Fratrum ejusdem Sancti Francisci Minorum nuncupatorum, quod dudum q. Joannes Pizzullus in suo ultimo, sub cujus dispositione ab humanis decessit testamento, mandavit ex suis bonis Collegium Fratrum studentium dicti Ordinis, qui in Provincia Calabria

Edita An. D. 1661.

Motus.

Citerioris

1660.
& 1661.

Citerioris orti essent in Urbe prædicta erigi, in quo consanguinei familiae maternæ ipsius Testatoris de Grillis nuncupatæ, usque ad quartum gradum inclusivè, & post hos orti in Terra Regniæ Bisinianensis Diocesis ejusdem Testatoris patria, & cæteris præferri, ac successivè nati in dicta Provincia Calabriae Citerioris admitti deberent, sub pœna caducitatis, & alias prout in eodem testamento uberius dicitur contineri.

§. 1. Et subindè erectum fuit prædictum Collegium S. Francisci de Paula in executionem præarratæ dispositionis, quam (ut dicti exponentes asserunt) felic. record. Urbanus Papa VIII. Prædecessor noster per quasdam suas anno Incarnationis Dominicæ 1624. pridie nonas Decembris, sub plumbo expeditas, & motu ejus proprio emanatas litteras confirmavit, in quibus ordinatum fuit, ut quidam Fratres dicti Ordinis, & signanter dilectus pariter filius Joannes à Regina ex memorata familia de Grillis descendens, & in prædicta Terra Regiæ natus in eodem Collegio locales perpetui essent.

§. 2. Cum autem sicut eadem expositio subjungebatur, qua dispositio dicti Testatoris necnon prædictæ Urbani Prædecessoris litteræ firmissimæ, & inviolabilibus de cætero observentur, dicti exponentes opportunè, ut infra à Nobis provideri summopere desiderent. Nos speciale ipsi Exponentibus gratiam facere volentes, & eorum singulares personas à quibusvis excommunicationis, suspensionis & interdicti, aliisque Ecclesiasticis sententiis, censuris & pœnis à jure, vel ab homine quavis occasione, vel causa latis si quibus quomodolibet innodatæ existunt ad effectum præsentium dumtaxat consequendum harum serie absolventes & absolutas fore censentes, supplicationibus eorum nomine nobis super hoc humiliter porrectis inclinati.

§. 3. Dispositionem dicti Joannis Testatoris à memorato Urbano Prædecessore sicut præfertur confirmatam, necnon prædictas ejusdem Urbani Prædecessoris litteras ab illis, ad quos spectat, in futurum quandocumque spectabit, inviolabiliter observari sub excommunicationis majoris, ac privationis vocis activæ & passivæ pœnis per contravenientes eo ipso absque ulla alia declaratione incurrendis auctoritate Apostolica tenore præsentium mandamus, & præcipimus.

§. 4. Non obstantibus Constitutionibus, & Ordinationibus Apostolicis, necnon quatenus opus sit prædictorum Collegii & Ordinis, aliisque quibusvis etiam juramento, confirmatione Apostolica, vel quavis firmitate alia roboratis statutis & consuetudinibus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die 6. Novembris 1660. Pontificatus Nostri Anno sexto.

CV.

Constitutio super numero Vocalium pro Comitibus Generalibus Congregationis Clericorum Regularium Theatinorum nuncupatorum.

Edita An. D.
1661.

ALEXANDER PAPA VII.

Ad perpetuam rei memoriam.

Fœlici prosperoque regimini, & Gubernio Congregationis dilectorum filiorum Clericorum Regularium Theatinorum nuncupatorum pro commissa nobis cælitus Pastoralis officii cura salubriter quantum cum Domino possumus providere cupientes.

§. 1. Motu proprio, ac ex certa scientia, & maturata deliberatione nostris, deque Apostolica potestatis plenitudine, tenore præsentium statui-

mus, & decernimus ut in Capitulo generali eorundem Clericorum Regularium Theatinorum jus suffragandi habeant infra scripti dumtaxat, & non alii videlicet Præpositi Generales tam pro tempore existentes, quàm officio functi quatuor Consultores & Procurator Generalis pro tempore ex Provincia Gallia Cisalpinæ, quæ in primam & secundam visitationem dividitur, duo Visitatores, tres Præpositi, & tres Vocales pro qualibet Visitatione: Ex utriusque Siciliae Regnis quæ in duas etiam Provincias dividuntur; itidem duo Visitatores pro qualibet Provincia; Præpositi quatuor, & totidem Vocales ex Provincia Neapolitana, Præpositi duo & Vocales duo ex Provincia Siciliae, dummodo ex hac eligantur duo Visitatores, sicuti ex Provincia Neapolitana, ex Hispania unus, ex Gallia Transalpina unus, & ex Romanis domibus unus.

§. 2. Præpositorum quidem electio ad hunc planè modum fiat. Novembri mense Præpositi ad unam è suæ Provinciae domibus, à Præposito generali & Consultoribus designandam se conferant. Constituta verò die quæ erit ultima ejusdem mensis, una omnes dato signo conveniant, fuisque de more precibus, de singulis Præpositis suæ Professionis ordine singula habeantur scrutinia; Scrutatores, quæ cuique contigerint suffragia numerent atque in schedula distinctè notent. Tum scrutiniis absolutis, illi censentur ad generale Capitulum electi, in quos majorem eligentium numerum consensisse scrutatores significaverint. Quorum paria fuerint suffragia ex iis professione Senior accedat, si quempiam ex electis Præpositis obire diem suum contigerit, ille subrogatus intelligatur qui majori suffragiorum numero proximè succedit in dicta scrutatorum schedula quæ statim Romam transmittatur Præposito generali, & Consultoribus eorundem scrutatorum manu subscripta & obsignata, resignanda videlicet ab eodem Præposito generali, & Consultoribus, cum subrogatio postulaverit.

§. 3. Præpositi si fuerint legitimè impediti, aliquem è suæ Domus Vocalibus ablegare ad Provincialia hæc comitia possint. Qui Vocalis, si fuerit electus non ipse, sed præpositus, electus censetur. Quod si è præpositis aliquis neque accesserit ipse, neque alium miserit suo nomine, is passivo in eo conventu suffragio, ne gaudeat Electus verò ad Comitia generalia mittere, si fuerit impeditus, è suis Vocalibus quem libuerit possit. Qui conventum hunc Præpositorum convocet curetque, ut ritè omnia peragantur, sit Senior ex Præpositis. Vocalium verò duplex fiat electio; Prior in singulis domibus uti moris est, ad Instituti ac Decretorum formam, intra Italiam quidem die Septembris prima, extra Italiam verò prima Julii posterior, Septembri mense extra Italiam, Novembri verò intra Italiam. Ex Vocalibus electis, scilicet qui in priori Domorum electione renunciati Vocales fuerint, alterum deinde conventum eadem qua Præpositi die, non eadem domo, sed quam Præpositus Generalis, & Consultores destinauerint, celebrent, atque ad eundem prorsus modum eodemque suffragiorum ritu, quo peracta est Præpositorum electio, fiat Vocalium qui adire Generale Capitulum debent quemadmodum de Præpositis significatum est.

§. 4. Caveant maximè Electores in electione Vocalium, ne quem eligant tam in prima quam in secunda electione, qui à Definitorio nondum fuerit ad sacras tum virorum, tum mulierum confessiones audiendas admittus, nevé in secundo conventu eos, qui prima vice ex Constitutionum præscripto ad utrumque suffragium admissi non fuerint, nisi à die admissionis ad passivam vocem per sex annos eorum virtus probata fuerit. Alioquin electio sit eo ipso nulla absque alia declaratione si quis primæ electionis Vocalis adire ea causa secunda comitia nequiverit, alter juxta

Eligendorum
qualitates.